

ODLUKA

**O PRIHVATANJU ZADUŽENJA PO SPORAZUMU O ZAJMU IZMEĐU
BOSNE I HERCEGOVINE I OPEC FONDA ZA MEĐUNARODNI RAZVOJ
ZA REALIZACIJU PROJEKTA UNAPREĐENJA UVJETA ŽIVOTA NA
SELU**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na sjednici, održanoj 27.10.2011.godine, i Dom naroda Parlamenta Federacije Bosne i Hercegovine na sjednici, održanoj 10.11.2011. godine,
d o n o s e

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I OPEC FONDA ZA MEĐUNARODNI RAZVOJ ZA REALIZACIJU PROJEKTA UNAPREĐENJA UVJETA ŽIVOTA NA SELU

I.

Prihvaća se zaduženje Federacije Bosne i Hercegovine (u daljnjem tekstu: Federacije) po Sporazumu o zajmu između Bosne i Hercegovine i OPEC Fonda za međunarodni razvoj (OFID) u iznosu od 6.000.000,00 USD za realizaciju Projekta unapređenja uvjeta života na selu.

II.

Sredstva zajma iz tačke I. ove Odluke koristit će se za finansiranje Projekta unapređenja uvjeta života na selu. Glavna svrha Projekta je omogućiti održivi rast lokalnih organizacija, seoskih preduzeća i mogućnosti zapošljavanja, a primarni cilj Projekta je poboljšanje životnih uvjeta, povećanje prihoda i zaposlenja u ruralnim zajednicama projektnog područja.

III.

Sredstva zajma iz tačke I. ove Odluke odobravaju se Federaciji pod sljedećim uvjetima:

- rok otplate:.....20 godina,
- grace period:.....5 godina,
- kamatna stopa:.....3,5 %,
- dospjeća:.....polugodišnje u jednakim otplatama glavnice,
- datumi plaćanja glavnice i kamata:..... 15. april i 15. oktobar svake godine.

IV.

Potvrđuje se da je razmatrana dokumentacija prihvatljiva za Federaciju, a posebno:

- Sporazum o zajmu (Projekt unapređenja uvjeta života na selu) između Bosne i Hercegovine i OPEC Fonda za međunarodni razvoj;
- Projektni sporazum (Projekt unapređenja uvjeta života na selu) između Federacije i OPEC Fonda za međunarodni razvoj.

V.

Sredstva zajma iz tačke I. ove Odluke Federacija će na kreditnoj osnovi putem finansijskih institucija prenijeti do krajnjih korisnika.

Projekat će implementirati Jedinica za implementaciju projekta formirana pri Federalnom ministarstvu poljoprivrede, vodoprivrede i šumarstva.

U periodu implementacije Projekta u budžetu Federacije potrebno je osigurati finansijska sredstva za dodatno sufinansiranje Projekta u iznosu od 903.156,82 USD.

VI.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

VII.

Daje se saglasnost za zaključivanje Supsidijarnog sporazuma o zajmu između Bosne i Hercegovine i Federacije za zajam iz tačke I. ove Odluke.

Za potpisivanje Supsidijarnog sporazuma ovlašćuje se federalni ministar finansija.

VIII.

Za realizaciju ove Odluke i izvještavanje zadužuje se Federalno ministarstvo finansija i Federalno ministarstvo poljoprivrede, vodoprivrede i šumarstva svako u okviru svoje nadležnosti.

IX.

Ova Odluka stupa na snagu narednog dana od dana objavljivanja u "Službenim novinama Federacije BiH".

PF, broj: 01-02-1277/11
Sarajevo, 10.11.2011.godine

**PREDSJEDAVALA
DOMA NARODA
PARLAMENTA FEDERACIJE BIH**

Karolina Pavlović

**PREDSJEDAVALA
PREDSTAVNIČKOG DOMA
PARLAMENTA FEDERACIJE BIH**

Dr. Denis Zvizdić

